

秋水閣詩集

秋水閣詩集卷五

雲夢許兆

同邑程懷

古近體

遲司業時帆溪橋詩思圖

紅塵不待白雲遮  
古渡人支略約斜  
自有清音契流水  
肯隨語燕絮桃花

芹香乍散講筵回  
楊柳迎人一面開  
小結茅亭安竹瓦  
過橋我聽說詩來

賸客人間動似烟那知枯坐有詩禪  
竭來好句傳多少盡在春雲藹藹邊

塵海蒼茫放眼看水清人說養魚難  
先生要是絲綸手試擲殘書把一竿

鳳城三月柳花香吟遍東風十二坊  
流水光陰春不住幾回橋畔看斜陽

蓬萊仙館四時春小占風光亦可人  
倏說鑑湖三百頃烟波窟裏是閒身

題武貞庵先生勸農圖遺照爲其孫山疇上舍作

白馬青旗夾道觀勞來深意重壺餐民生最好農田業  
天下尤難牧守官孫子尙傳清白緒時人莫作畫圖看  
矯虔多少增錢智欲寫鬚眉恐不安

送陳芑洲師之湖南沅州太守任

帝城雲樹媚離筵執轡難隨五馬鞭手展春風生雨露  
心開佛地是神仙十年作郡居無宅師自武昌守歸三里假宅以居三

楚同聲我得天爲問恩波深幾許沅江流接漢江邊師以

漢陽司馬守武昌今復任沅州皆楚境也

平生恩地至難忘兄弟同依數仞牆

余與石泉弟先後出師門下養

得龍成憐尾斷

時石泉已下世

攜將鶴去伴秋長漢家循吏三

公召陸氏莊田一頃荒剩有寸衷圖報答孤寒拂拭繼

心香

時八月六日余奉同考北闕之命

丙午闈中分校呈馮星實座主敬和座主原韻

時馮

座主亦同分校

一聽霓裳憶昔遊披雲不隔看花眸天移卿月輝羣耀  
人坐春風過一秋門下門生來接踵歧中歧路慎從頭  
敢因文字分南北澗芷溪毛亦可羞

花樣雲峰逐番看百年士氣主持難文如杜律論先細

人到歐門取必端  
埽榻鴻泥尋舊迹  
煎茶蟹眼聽新瀾  
知公報國憐才念  
肯放孤桐竈下殘

再呈馮座主

採風聞說使輶遊  
楚蜀江山豁遠眸  
搏兔更勞獅子力  
紉蘭不負菊花秋  
浮雲變態都空眼  
老桂清香直到頭  
几席追隨趨步遠  
荒莊真抱下農羞

玉積珠駢一一看  
也知學步捧心難  
忽驚考校催蘇軾  
自哂糊塗過呂端  
秋氣滿庭清入鬢  
墨花出沼潤飛瀾  
濟時人物千秋事  
可信金臺落照殘

呈同事諸公卽疊前韻

同聽霓裳月殿遊  
文星動處欲驚眸  
高槐靜駐碧雲影  
小雨寒深白雁秋  
題句紗籠壁上飛  
觴酒許過牆頭  
劇憐賦別江淹遠  
不共冬烘兩字羞

江秋史以讀禮將歸奉有恩命不

獲入閣

八千文字一句看  
甘苦嘗知嗜好難  
花逞新開多作態  
徑思前路笑更端  
金蓮燄列堂中炬  
銀漢光流樹杪瀾  
憶否兒時趨塾候  
又攜書本問更殘

歲暮雜詩

時初罷諫官

開坊市遠絕埃氛小作排當可習勤屈曲盆梅新位置  
喧闐臘鼓雜聲聞園荒潔飾層層雪齋小香添浥浥雲  
補入歲時風土記也同麟閣次功勳

鍊金餐玉本無方光碧層霄自有堂唱徹紫雲縈桂樹  
捧來紅日過扶桑神仙底事多官府塵劫能消感法王  
竹屋紙牕知好在由人清夢落湖湘

撥殘梢拙火長溫鄉夢幽思總莫論看去桃符新較好  
陳將彝鼎氣原尊壯懷漸老心情澹時輩無求面目存  
多謝春風又相識不辭先客到蓬門

堂堂歲月自推遷隨分迎年餞舊年一座團圓情話永  
四郊和洽氣機傳吟才漸拙詩難祭朝簿初辭醉任眠  
檢點生平餘悔在溪山春到未歸田

殘臘初驚四十過飛騰暮景笑如何賞春花奉香心報  
壚雪庭先綠鬢多戶小深杯徐入手門閒熱客久張羅  
却慚媚竈原無術司命年來醉不訶

金門遊戲又山林五岳前期憶向禽冷暖人情翻覆手  
悲歡身事去來心多生結習親禪味同調難忘在賞音  
頗怪兒童閒不得春燈爆竹鬧宵深

古詩

缺月挂城口涼颼動長林炎歎一以解煩憂未可禁曲  
坐復還步俯仰孤沈吟豈無流水操玉軫韜鳴琴亦知  
交杜康旣醉醒不任廣庭常促促我懷徒欽欽白雲聞  
逸響遐哉隔遙岑

承露玉難屑集靈亦無臺乃知漢仙人原因武帝來草  
莽求長生路鬼相嘲哈金門未可入何敢問蓬萊長天  
走高浪元洲安在哉拂衣且歸去高臥山雲隈清心隨  
造化大夢付庭槐君看達者流何者非仙才

和某觀察巡靜海元韻

詔恩首重力田科喜有春風馬足過海氣鹹蒸膏土澀  
鴻音飛聽澤陂多汙萊敢望桑麻徑餘利難爭苜蓿坡  
使節近瞻民隱達莫矜治業引漳河

題官 同年照

矮屋疎籬足嘯歌芭蕉葉大雨聲多紗牕竟日無人到  
一種秋聲不奈何

溼雲如墨籠城隈擁鼻微吟亦暢哉合是襄陽孟夫子  
梧桐疎雨占清才

篆香細細出簾清  
遶砌秋花著意生  
自信西風吹不落  
未妨夜雨滴階聲

東華日日點朝班  
舊雨相逢一笑間  
欲倩蕉林開一角  
我來雨後看西山

法學士時帆僧服蒲團卷子

時帆原名運昌  
旨改名法式善

特

玉堂學士神仙客  
金粟如來清淨身  
圖畫忽教開法相  
風流原不傍時人  
雲行水住安心訣  
松立花欹入世因  
悟得此中三昧後  
不妨遊戲不妨真

坐我團蒲四十年  
到頭著腳總茫然  
豈知立地須成佛

漫笑隨人又學仙，刻鼎勲名看抗手。  
浮雲富貴任摩肩，先生妙示無言旨。  
格是儒門淡泊禪。

一條冰久勵清修，慧業多從戒定求。  
風致自諧齊物論，

生平不識爛羊頭。

東齊記事唐子西名酒之和者曰養  
生主勁者曰齊物論學士不飲酒不

食羊蓋天性也詩參摩詰天機遠，文自華嚴法界流。  
只是此間

無坐處，金鑾昨夜下詞頭。

蓬萊樓閣五雲蒸，握手同登第一層。  
志大如君圖作佛，津迷有客待傳燈。  
塵埃淨盡真無我，瓶拂因依莫認僧。  
獨有清涼山寺夢，打鐘埽地記吾曾。

嵇比部笠軒閒飲存春書屋

笠軒名承豫爲文敏公孫尙佐相公次子

崢嶸晚歲物華新  
勸我銜杯莫厭頻  
東閣趨庭梅弄雪  
西園飛蓋月隨人  
貧官不減詩才富  
好友端宜酒味醇  
三徑蕭疎君自省  
歲寒松柏正存春

漢廷顏駟尙爲郎  
聯步趨曹日月長  
鷁是退飛收勁翮  
比部與余同曹司馬餘老智驟康莊  
途難著足安惟拙  
語到知心醉不忘

人物祇今公等在  
豈因家世頌平當

贈屠蔚坡

君家東閣梧桐樹  
曾沐三朝雨露深  
迎鳳孫枝看擢穎

秋水閣詩集

卷五

七

雕龍妙手是師心寒消缸面花全笑春在年頭日半陰  
白石紫芝歌總好高臺未要築黃金

經時冠劍有塵埃懷抱憑君得好開老鷁退飛知翮倦  
新鶯出谷待春催忘機人海浮浮穩得氣光風鼎鼎來  
自是親情憐宦薄不妨菜甲送椒杯

馮星實座主夢蘇草堂圖

玻瓈江上謫仙人七百年過孰主賓持節舊瞻祠下像  
先生曾督披帷今見夢中身半生作宦棱棱合餘事論  
蜀中學政詩的真與我周旋原一我不妨同叔哂迷津

夢中子  
由先來

叩門東坡在庭中扶杖而立圖兼畫二公像

宣南老屋坐攤書朝退門來問字車濬得心源探不竭

刪將木葉埽無餘

先生蘇詩合註用功者六年夢蘇圖所緣起也

羹牆信篤精

神赴鉛槧功多歲月徐只有草堂無地起先生圖畫或

欺予

先生爲江右方伯以清節聞天下

爲稻笠軒比部題月下水仙圖

小飲瓊漿手自催玉簫聲徹碧雲回凌波不采明珠去  
費煞陳王八斗才

尋春消息十年遲竹屋茶煙裊鬢絲記得月明三五夜

看花恰到半開時

桂殿名花玉作容  
九龍山色隔重重  
憑君省識春風面  
格是瑤臺月下逢

奉題馮孟亭先生洗硯圖爲座主馮星實先生作

研爲座主曾大父司寇景夏公總藩時所琢中  
間失去文孫侍御孟亭先生初官編修假歸武  
林復得之年七十繪爲三圖分授其三子座主  
星實先生長君也得第一本命余敬題其後

卽墨侯爾貌何古  
身何修爾來自端州  
爾成自石頭鳳  
池錫爾作湯沐  
研池勒二字曰鳳池  
琉璃匣爾如琳瑯  
用爾六十年  
爾功一一數作藩  
首南國墨瀋散霖雨  
邦禁掌秋官

丹筆拯罪罟中間小別仍歸來爲識先生繩祖武有時  
修史上玉堂有時起草居柏府心旣不可卷項亦不可  
俯世守真石交晤對無客主譬如爲雲爲龍上下常相  
從何論鵠之鵠之眼睛誇媚嫵先生拂衣駕湖濱卅載  
著述已等身先生頭白爾頭黑將爾壽世長千春三圖  
貌爾亦自貌居然太白對月成三人我師示我第一本  
面目無媿精神真流泉可濯竹可蔭尺璧非寶珠非珍  
先生圖爾我歌爾祖德莫罄言津津卽今石田大獲報  
待開黃閣抒經綸丹青功成再貌爾一如凌烟圖畫雲

臺新

送馮星實座主大鴻臚終養歸禾中

五十陳情竟乞身天心果不負賢臣忠清與國同元氣  
進退惟公到古人鳩杖雙扶承紫綬鴛湖一棹及青春  
夢蘇堂上千秋業可許彭宣再問津

廿年恩地養輕翰已約相逢別尙難人海我憐鷗泛泛  
湖山春在月團團雲經澤物功原在帆指回程挂更安  
畱取清時入圖畫東都莫作二疏看

昭君

漢家公主世和親  
穠矣歌殘局又新  
竟使佳人辭玉殿  
不勞飛將涉邊塵  
君心畫手三生事  
青草黃沙萬古春  
見說呼韓來接踵  
成功不是受恩人  
烽烟磧月陣雲驚  
慷慨偏甘自請行  
俠氣我知非薄命  
美人天遣不虛生  
一溪香水流南國  
萬馬秋風靖北平  
三十六宮春自好  
幾多顏色老增城  
椒風環珮曳三千  
北地燕支上曆妍  
獨退主方憐絕豔  
入宮人不妬歸田  
帳前筆栗吹殘夢  
馬後桃花惜往年  
帶得玉門春色去  
至今青草尙芊芊

黃金少處減容光  
索賦應難說擅場  
行擲此身安社稷  
去畱微意感君王  
一時粉黛真無色  
千載琵琶總斷腸  
不分金釭銜璧處  
只宜飛燕在昭陽

扇頭紅梅

可是連朝得雨肥  
枝枝紅綻弄芳菲  
和羹藉爾調金鼎  
天遣東風早賜緋  
不須塗抹買燕支  
點染東皇第一姿  
却憶孤山清曉過  
九霞光上最高枝

秦侍讀小峴蕉團小影圖

衆醉生迷途一退發深省蕭然四大空萬慮豈待屏我  
生昧時務要路不敢騁枯齋生古歡网兩自問景君侯  
金閨彥乃復甘噲等閉門落花中坐盡青松影機忘伏  
羣動心妙集虛靜浮雲故變幻不值老鶴警何嘗結白  
社人海息萍梗白佛佛無言問君君自領

稽比部栽菊有詩和韻奉訊

新花客愛根移好老圃吾憐幹就刪珍重芳心畱晚節  
幾多桃李豔春山

白髮如君能好事黃花容我趁秋探肯將好句償花債

可有清尊代筆談

攜酒共尋青眼客  
廻輪偏作碧雲思  
平生不負看花眼  
試索霜中最晚枝

登儿正憐人落落  
隔簾冷遣蝶翻翻  
從今不寄東籬下  
一任西風落葉繁

題唐明府山山圖

杓廣西人  
丙戌進士

滇海歸來賦遂初  
分將蓑笠老樵漁  
春風幾度催花信  
又送閑雲上碧虛

行盡青山隔舊鄰  
煙嵐處處逐時新  
長松一路支離甚

怪爾山居面目真

曲折前途是已經黃鸝無事太丁宜相期紫閣峰頭立  
放眼空濛萬里青  
冰懷湛湛月澄潭爽氣棱棱劍露鐔我舉似君人不識  
任他捷徑問終南

題阿運使林保秋林放鶴圖

老鶴脩脩正出林高山流水本知音憑君一洗空羣眼  
同此雲霄萬里心

鵲華單椒佛髻青  
明湖千頃玉波渟  
我來蠟屐憑商略

小築應添放鶴亭

秋淺林風爲髮梳披襟獨坐意何如  
人間不少閒鷗鷺只覓桃花尺半魚

劉伶墓

身世宜耽酒頽然縱爾形  
頌成賢聖德醉看世人醒

伏城驛遇書制府

名麟時自謫籍起山西中丞是日初奉恩命

旅館高燒燭影紅蕭然誰識舊三公  
世家獨著皋夔望黨論能教洛蜀空  
破冢布帆人自穩折肱國手術尤工  
平生迂論知多少不覺相傾此夜中

荷戈擬出玉門關，建節旋聞詔賜環。  
不禁昂藏伸士氣，遙知感激到民間。  
深培國脈須公等，曲順人心動聖顏。  
遮莫歲星終在越，旌旄畢竟駐鍾山。

臨穎道中雨

是日中伏

暫免風塵污泥塗，亦自長簡書忘令。  
節明月避他鄉樹，影依城暗秋聲得。  
雨忙關心問農事，禾黍正登場。

過應山寄雲夢故人

郵籤又報指安州，嶺互岡迴憶舊遊。  
富貴最難勛業稱，人情多喜故鄉留。  
宵寒積久晨風峭，午熱陰宜驛樹秋。

致語夢中諸父老少年白髮漸生頭

湘潭縣懷羅碧泉庶子

楚水自然碧湘煙不可收江城芳杜岸人語木蘭舟  
騷客四千里離思九十秋往來真草草晨發指潭州

長沙除夕呈吉有齋少司馬王蘭泉少司寇兩先

生

輶車再駐讌椒盤昕夕追隨禮數寬簾外風光將轉蕙  
後一日  
座中真味總如蘭停雲客思馳天末耐雪山容

保歲寒細酌屠蘇論往事又從佳節望長安

上巳清明  
隨園山

東午日在金陵皆隨司寇中秋在  
即城除夕在長沙又從司馬司寇

飛騰暮景逐年新鬢影衣香跌宕身漏永醉添辭歲酒  
雪消晴忽入朝人銀光序草揮神筆玉笛梅花洩好春  
舉似當時荆楚記應將韻事記龍賓

司寇卽席先  
成四六小敘

壽蔡雲槎教授七十

楫夫門人  
庚子進士

紀年亥字肇三元昨夜文星集德門鶴養芝田秋正健  
花開荆樹老仍繁遊山斗酒歸謀婦奉杖諸郎立抱孫  
名教樂增天爵貴五陵裘馬敢同論

曾駐星輶謁講堂知音我亦感中郎論文富有千秋業

秋水閣詩集

卷五

古

說士甘如五鼎嘗本分官成儒者氣老人星耀水雲鄉  
因君更聽天邊雁嘹唳西風剩幾行

雲槎爲石泉弟同年石泉下世已八

矣年

壽劉梧岡明府

曙沔陽州人庚子進士

相送無多日相思託暮雲文章鄉祭酒譽望大馮君老  
覺敷猷達清知斷事勤從看春有脚草木也欣欣

寄語劉賓客江南我問津山川三楚舊烟月六朝新作  
宰官初達躋堂酒自春千秋勛業始應與壽同臻

爲劉梧岡明府題所藏明人郭美命王鳳洲諸公

詠繡毬花詩卷子

詩爲明宗室  
朱詹仲和作

帝子池臺散暮霞  
騷人藻思剩空花  
一爲把卷吟秋水  
也似東京錄夢華

吳體家家玉作聯  
楚風若个繼前賢  
誰知沅芷湘蘭外

別有玲瓏玉樹篇

卷中吾楚  
先達爲多

爲嵇笠軒比部題憶梅圖

獨立空山不厭遲  
每從冷澹結心知  
卽今讀畫吟詩處  
又是紅稀綠暗時

十丈紅塵撲面深  
相思何處覓瑤林  
花光團雪香成海

始信東皇鄭重心

老眼看花肯放空年年身過百花叢上林不斷春消息  
莫儘孤山入夢中

我亦曾栽百樹梅江村雲隔萬重隈君家世有調羹鼎  
著意花時看百回

曾賓谷西谿漁隱圖

西湖不住住西谿洲互峯迴路欲迷冷眼嬾隨塵世熱  
放歌一棹水雲西

風花點露漫垂鬟好月依人共一灣車似雞棲馬如狗

幾多城上看西山

竹樹依依隔崦橫溪流活活遶田平添他七十二峯閣  
坐聽漁榔月下聲

水深魚樂莫投鉤網密繩長怕斷流我是湘江老漁父  
躊躇閒立白蘋洲

披圖遶屋起雲烟如此溪山結勝緣莫笑何充真志大  
本來不費買山錢

出山泉水入山難圖畫分明息壤看君若求鄰應致語  
老夫卜宅就春巒

宋殿揮毫賦  
上林倦遊準擬入山深  
蒹葭多處橫秋水  
愁絕芙蓉寄遠心

灤陽雜咏

塞上雲多易作秋  
垂楊何處起邊愁  
羣山碧重煙初合  
魄月明生火已流  
小立森寒添半臂  
大言論事愧長頭  
無端搔首驚清聽  
不斷飛鴻叫遠洲

占得鳩巢十笏寬  
入門草草卸征鞍  
袍痕溼帶潮河雨  
日色明流太乙壇  
山截龍沙天保障  
夜尊斗極地高寒  
朝來封事知多少  
恐對漣漪賦素餐

馬瘦從嘲步不工趨曹路近日初東晴嵐總入天門翠  
香界遙添佛閣紅銷暑棋聽松外漏生涼雨挾櫺梢風  
回思玉檢緝書地泥爪空畱雪裏鴻

五十一  
年十一  
月十一  
日校書  
之役畱  
此

月三

老去誰憐襤褸身他鄉情話故交真

時與巽  
山同寓

士衡自住

東頭屋阮籍原非白眼人古寺探秋雲逐馬平沙開嶂  
月浮輪年來行腳枯蓬轉試上星槎更問津

職方王會懾諸侯寶馬名鷹紫塞秋宿衛大人南北部  
蔥龍佳氣帝王州雲山四面三台迴風雨羣心一德酬

文筆久慙封禪草敢矜羽獵賦華旂

羽書三捷奏甘泉萬里行師總萬全雨箐旗飛山奪險

雪林礪壁石摧堅風雷直破蠻人膽日月原臨化外天

髀肉未消空策馬據鞍何處著先鞭

時方廓爾喀用兵

入世無涯生有涯眼前風景不須賒庭滋暮暮朝朝雨

天放紅紅白白花排闥山來親筆墨披襟客至共茶瓜

蕭然未要躬畊力索米應嘲得已奢

入直朝朝省過從閒牕退食且從容風鳴虛谷原非雨

雲轉前山又一峯得意餓鴟爭腐鼠無知畫壁認天龍

黃雞唱曉蒼蠅集費煞閒僧百八鐘

法時帆學士寄詩見懷和韻奉寄

芙蓉美人花香國水雲冷欲采河無梁夢墮蒼茫境明月忽招我披雲出高嶺我行不及月能踏明月影高步無迷途隨意縱所騁嗤彼食蓼蟲味苦乃云永

我來黍方華我去波欲冷思與君別時雲過不留境新詩忽惠我天籟聞松嶺遙知說詩龕吟瘦黃花影明朝理歸策山路及秋騁行作北郭遊毋賦江之永時至物驚秋心閑官愛冷風檣及奔馬孰者爲止境我

家神農言躬畊守烟嶺如何猿鶴姿長別蘿桂影鹽車  
上太行寸寸強驅騁千載垂簾人說易理最永

蒼崖秋氣來古塞蕭淒冷不知搖落中無數芳菲境蕭  
蕭老此松獨立萬山嶺蒼然保歲寒閱盡行人影君看  
要路客捷足各爭聘烟際來晨鐘猶云夜漏永

吾衰戒好事面目晒嚴冷滔滔萬人海自有安心境綺  
霞絢夕陰朝爽秀西嶺退食足高臥不躡朱門影白衣  
與蒼狗倏忽聽所騁鳴鶴在九臯矯然天路永

灤陽古興州東西涼亭冷六年五行役舊路換新境渡

水間龍山跋馬循北嶺繡屏展蒼翠嵐氣溼人影戕戕

化城居遊目不能騁惟應塔間月獨照秋宵永

渡河訪迴龍山

山惠迪吉門外循宮牆一帶至布達拉廟不得上宮牆後山如天然翠屏嵐蒸翠滴至爲可愛

扈從灤河將於八月九日換班回京七月廿九日

奉命讞事瀋陽初一日隨大司寇蘇公

凌阿

啓行賦此畱別潘巽山

西風吹雁度河梁一鵠離羣又北翔信好山川奇過眼

難忘風雨話聯牀交情寒重綈袍贈

巽山假我裘一襲

驛路晴

生粟隴香笑我稱尊無佛處文星不耀使星光

奉天鄉試例入

京闈故  
戲及之

奉天府四首

地開左輔接幽燕  
渤澥辰韓迹渺然  
山海西封關百二  
松江北走路三千  
原場黍稌連雲積  
閩粵風帆破浪前  
自是神州天府國  
來遊今著祖生鞭  
放伐殷周事已遙

真人受命更光昭  
一戎衣定人心服  
四路師摧燭火銷  
闕殿河山三轉拱  
靈旂風雨百神朝  
至今五色雲龍氣  
夜夜如虹亘斗霄

太祖  
太宗二陵在府城外

金城屹屹望京華上將宗臣此建牙議政亭畱開國日

大清門左有議政亭中一亭黃瓦左右藏書閣起半天

亭皆尋常筒瓦爲大臣聚議朝政之所

霞西爲文溯閣金書一分上四十揚旗雪立三千帳夜火

星分十萬家二百年中休養在當時折戟總沈沙

四謁橋陵慶典成紅雲眞捧

玉皇行車徒此日同王會櫛沐當年首

帝京鎬邑鼓鐘周禮樂南陽人物漢公卿保釐爲問今

畱守攷績如何報治平

晤玉閭峯少司馬保

冷落歸心賦薜蘿飛騰暮景惜蹉跎相逢草草秋燈下  
只抵勞勞客夢過頗牧禁中公等在神仙天上故人多  
馮唐欲老君休問祇對桓伊喚奈何

大姑山

在葉赫北一百四十里山不甚高於平原中一山秀起上有小廟山下多樹塞外所

無也驛舍在東椒數百武居民頗繁庶成一聚落

大姑家傍鄆湖住水鏡朝朝洗黛青今日塞垣風土黑  
靈旂何自駕雲駟

單椒秀起立平沙下繞清流一曲斜賸得半林紅葉在

爲姑妝點鬪朝霞

吉林

層岡行盡做平原幕府中開萬馬屯

潘陽吉林黑龍江人稱爲東三省各

設將軍吉

林在其中星宿高依天北斗山江雄踞國東門

長白山鴨綠江

皆在人安井鑿堯民厚氣王雲霞鎬邑尊無數飛鴻集

中澤可知樂土此間論

過廣寧弔前明經略熊芝岡先生

水火朝廷局勢闌儒臣賜劍此登壇長城自壞身殉易

旭日初升手障難後死孫

傅盧昇

魂共訴同時楊左案

纔完一腔熱血當年灑直待興朝

聖主看

先生奏疏有灑一腔熱血於朝廷語純皇  
帝批云朕至今閱之尙爲流涕而當日君臣若

罔聞知國欲  
不亡得乎

寄懷潘巽山

前塵如夢復如絲惆悵歡場杜牧之綠酒紅燈人願曲  
衣香花影客催詩榆關我去秋將老紫塞君歸月正遲  
今日吟情更無賴一天黃葉上山時

次小凌河再奉讞事黑龍江之命

四牡駉駉不記程遼東東去更東征風催沙磧寒雲信

秋老蘆筍夜月聲久客夢回丹鳳闕他年人問白狼城  
祇慙零落江花筆可有雄文賦兩京

潘陽爲盛京  
爲興京

### 槲葉

槲葉枯未脫丹黃尙滿林翻翻畱日采策策助風吟搖  
落冰霜信栽培天地心忘機觀物化人意更何任

### 曉行

王程猶未已我僕敢云勞燈火收寒燭霜華絡敝袍天  
光垂野近山勢得雲高起舞誠何事荒雞又再號

### 曉渡吉林江

渡口人初聚波心驚不驚塞天風有色江浦月流聲截  
岸山屏壯衝煙桂楫輕大哉觀水德千里總澄清

舒蘭河

自吉林赴齊齊  
哈爾第二站

舒蘭河畔記初程一望黃沙渺渺生江水溼浮雲氣活  
山光青到吉林平年衰曉戀羊裘重秋霽風驅馬足輕  
輿地志成憑弔遠采風何自問輿情

孫男方

坪小岩  
增葆川  
坪季平

校字

秋水閣詩集卷六

雲夢許兆椿秋巖氏著  
同邑程懷璟玉農參閱

古近體

題人長風萬里卷子

捩柁揚帆信有神  
雲山過眼逐番新  
筆牀茶竈尋常事  
付與江湖署散人  
谷口迴颿打鼓催  
浪花如雪壓波開  
柁樓杳杳雲山碧  
可有舟人進櫂來

塵海茫茫放眼空到頭安穩泛鴻濛笑他神力滕王閣  
只借蒲帆一夜風

我亦滄江老釣師放船容易泊船遲前途要具收帆手  
正有行人待渡時

馬秋菽比部遊萬壽寺見白皮松歸吟長句朱山人  
愛其詩爰爲補圖秋菽索題輒作小詩四首  
支離老叟衣全白落拓都官眼獨青泚筆寫詩詩寫樹  
杖藜古寺憶曾經

何時小別妙高峯不遣紅塵浣雪容養得滿身雲氣活

坐看風雨化真龍

風濤彷彿聽天都玉貌蒼髯與世殊我自素心相對爾  
可知傲態入時無

寺門流水影全身明月來窺亦有神不是尋常樅檜侶  
况他桃李一時春

慶祐之員外畫蝶

名保

信有羅浮萬里身毫端栩栩忽相親無聲肯逐吟蜂隊  
入夢應憐傲吏身小住記曾過院落生來從不染風塵  
天涯芳草南園道認取都官筆底春

左伯溪過我索書戲作口號

名瀾同邑拔貢  
時充官學教習

一從閩苑下瑤除日日東華走笨車今日見君君自信  
中書君果不中書

汕米茶鹽醬醋柴終朝舊債怕人催如何離石鄉侯國  
也有先生索債來

入城相約過書堂清酒酤憑醉墨償只恐先生添酒債  
可能惡札換官羊

年來自笑手如鋌春蚓秋蛇也自奇爲問五雲仙閣吏  
何人作記刻瓊碑

再過山海關和胡雲坡大司寇作

負山距海初臨郭，歷磴開雲又出關。  
斜月入林催角曉，和風送馬驗春還。  
名王日逐今環衛，幕府將軍舊刺奸。  
慙愧青州老從事，去歲四月大司寇奉使樂陵予亦從行欲歌郢曲和仍艱。

上元日至山海關卽事口號

天書朝捧五雲間，行盡京東萬疊山。  
如水月光團雪馬，試燈風裏過榆關。

燈棚夾道鬪光華，笙鼓春城一萬家。  
笑我清心對明月，

寒庭冰浸試烹茶

村鼓連宵踏臂歌田燈四照爛銀蛾二分春色三分月  
不信朱門得最多

騎驢逐隊看燈人兒女青紅也自春爲語長安諸女伴  
莫矜花樣鬪時新

使星幾度出營州佳節真教賦壯游記得前年長白下

雪花如掌作中秋

壬子秋奉使奉天再使黑龍江中秋有雪重陽又雪

春月初圓第一宵別離草草路迢迢還家夢是今宵好

明日關城隔更遙

山海關元夕和雲坡大司寇韻

昇平民物樂義軒十日春晴麗上元卿月輝天眞一色  
花風送信第三番關迎紫氣占星聚履聽丹宸望斗  
尊省識我公心似水未妨五夜九衢喧

姜女祠和雲坡大司寇原韻

理本經常事至奇直教匹婦享崇祠秦時明月猶窺影  
海上清波自照眉百雉邊城能共墮九霄天聽竟無詞  
有人冷眼雲山外一棹桃花去不疑

廣陵道中望醫無閭山和雲坡大司寇韻

作鎮雄關輔蒼然馬首青一尊齊嶽瀆萬嶂就藩屏雲  
氣連長白嵐光浴紫溟神仙存窟宅何處問山靈

題胡大司寇詩後

尙書清望峻雲霄玉節頻乘使者輶采得幽風歌七月  
好陳王業獻民謠

宜遠曉發

脂轄夜初半征人暗自呼烟嵐連嶂合海氣際天無短  
策吟情壯村春遠火孤向來征戰地畊鑿復唐虞

再弔明經略熊芝岡先生

危疆一敗撫臣窮

王化貞

太息先生走亦同閹禍到公關

社稷將才無主誤英雄身真孤立忘生死人與全遼共

始終

昭代憫忠恩不細怒濤莫更戰西風

初纂四庫全書湖北

以公奏疏刻本進上閱之御批獎其忠烈命刪節詆毀語仍准存留且求後裔得公裔孫泗先以布衣

四川省縣丞

### 小姑山

平岡擁出一螺青謝客何年屐齒停巖壑無多風景異

又從塞外補圖經

撐空一柱峙潯陽聽盡江聲九派長此處風波全不到

風鬟霧鬢自蒼蒼

九江彭澤縣大江中亦有小姑山風濤澎湃中流傑立三百餘丈

赫爾蘇驛夜雪

炕鑪烟突出庭長野館寒燈夜未央  
隔牖不聞風動竹開簾猶訝月如霜  
田回宿潤塵消隴山待重看雪洗妝  
十二丹臺春婉婉玉樓高處恐生涼

再至吉林作

百折岡巒拱上都郵籤報我息前驅  
名山久別爭迎面老馬重來喜識途  
雲起龍潭天莽蒼雪消鴻爪迹模糊  
當時一片清心在好對春冰映玉壺

濱江入市漫停輪稅宅平分逆旅人食饋生魚煩子產  
雲坡先生屢餽鮮魚有研來野雀伴龍賓何嘗三宿留  
哲絲魚四鰓似鱸而大  
餘戀不覺初時已隔塵世態茫茫憑著眼白衣蒼狗總  
非真

清時丞相重臨邊

時福相公松少農同奉命來此

幕府能容揖客前

人及初春攜雨露天教三省閱山川

京師人稱奉天吉林黑龍江爲東三

省以其各設將軍事皆直達金泥玉檢祠官肅  
也予年來以按事各獲一至  
吉林時正鐵馬琱戈戰陣堅爲語蘭臺班令吏勒銘久  
舉春祀

已陋燕然

福相公新平廓爾喀同朝

牙旗玉帳駐軍屯江水爲池赴郭門板屋民勞新卜築

吉林辛亥壬子四月連次火災壬子秋奉使至此室

宇未立今漸復舊觀其地多大木凡立牆鋪地皆以板

代街衢亦以厚板平鋪木天我憶舊巢痕蟻珠任土原

車馬行其上若閣道然

王貢宜古塔采東珠靈藥延年亦

主恩人蓀歲有定額奉天吉林尤多一酌食泉心不改隱之

舊事欲重論

登溫德恒山謁望祭殿望長白山和雲坡先生韻

每到名山不忍離望中莽莽已雄奇東隅自立承天柱

絕頂曾開浴日池殿上神光昭盼蠶巖前春樹發華滋

平生五嶽畱方寸放眼今當倒玉卮

吉林和雲坡先生韻

左海開三輔中權控百城地雄天設險民樸政同清江

匪難求派山多不記名北窺聯屬國西上拱都京吉林稱京

師爲都京

神武

三朝繼成功萬世平有邵家室重分陝節磨榮雍正年間

吉林設永吉州乾隆初裁移宜飛將龍沙懾梯田雁戶

古塔將軍於此聲勢更爲連絡耕者皆內地民人流寓至彼宜勤中婦織過鐵嶺以北

秋水閣詩集卷六

七

帛皆仰給山東

毋亂小鮮烹蚌去難還浦

珠軒采東珠入貢亦吉林所屬鼉登

戒染羹陳風思召伯作賦愧東征秋憶橋霜迹

王季奉使黑龍

江以八

春畱愛日晴大哉

王化洽來往樂時亨

登北山玉皇閣

山在吉林城北二里許俯視城中氣勢甚壯

二月東風拂馬輕龍沙春半未聞鶯地畱黑水扶餘勝

人指青山古寺行著腳穩能高處立抗懷遠覺壯心平

公家事了車將駕且可登臨共友生

時同行者為策郎中慶員外文中翰

曲磴廻雲路幾盤自矜老健據雕鞍僧無文字離禪悅

閣集松風享宰官人物祇今誰把臂江山如是足憑欄

蒼茫不盡平生意鄭重斜陽過客看

連山分嶂列三支縹緲紅牆碧殿祠殘雪遠峯雲點綴

夕陽高閣樹參差排星石法先天卦

吉林連歲火災詔做杭州紫陽山

盤石列卦之義於此山左嶂

石排坎卦以鎮之其患果息

怒馬人舉畫日旗山下爲演武場

將軍閱視此比似南樓供嘯詠不煩手板更支頤

興闌小坐過東軒結夏吾思避俗喧土脈漸堅侵石氣

山泉不涸養雲根

關左偏有一人煙浮動春城晚風景

泉濬爲井

明和地勢尊題壁賞懷同峴首未知後世有誰論

遼河道中新柳同雲坡先生作

遼河西上柳森森驛路春光日日深駐馬未堪縈短勒  
搓烟遙覺異疎林徐舒青眼酬知己不染緇塵本夙心  
歸去龍池三月雨玉堂取次看成陰

題阮方浦讀書圖冊子

方浦乃吾山侍郎之長君其弟孝廉君曾山余門下

三生慧業半生閒冊府方教見一斑妒煞道南青眼客  
坐吟紅樹倦看山

宣南坊曲

阮賃居宣南坊

竹梧鄰淮海風流又此人讀盡

賜

書三萬卷瓶花自愛一枝春

瓶花書屋侍郎讀書處

器業青雲惜未逢書城坐擁萬家封只憐聽到山陽笛

不見雲間陸士龍

時令弟久下世

詔守吳中紀恩述事

西曹八載尙書郎消盡烏臺柏府霜忽聽傳宣來日下  
敢云臥理薄淮陽

詔恩特減停年格祿仕無煩請郡章贏得歸時鄉里笑  
居然千騎領東方

送人作郡已年年依樣葫蘆畫更圓白髮蒼顏新太守  
金鑾玉署舊神仙識途老馬忘歧路戲海浮鷗適性天  
獨有寸心難自信文章事業孰堪傳

陳劍城給諫

化龍

同年請急歸闕拈白香山休官非

早亦非遲之句作轆轤體長句五首畱別同人  
因效其體如數同作以贈其行

休官非早亦非遲一疏陳情祿竟辭最好熏風催穩舵  
難忘魏闕正清時聲名瑣闥高流輩裙屐溪山有故  
知進退似君真不忝樂夫天命復奚疑

可是懸車請急期休官非早亦非遲采芝健卻過頭杖

焚草工畱脫手詩二十年中甘苦味

劍城自壬辰通籍以來未嘗出都

七千里外水雲思只愁蒲酒同年會投轄何人再把卮

同年相約爲月會陳旣將  
行余亦出都咸不復與矣

昇平人物說師師老鶴烟霄縱所之處世不求兼不校  
休官非早亦非遲南臺故事歸班管東閣新香品綠枝  
爲問小蘭亭外月清光初不異當時

食祿難言買隱資打包僧乃釋肩時我憐腰與肱同折  
時余方赴君果名將實共辭守已不爽還不惠休官非

早亦非遲茅檐春社團圓話回首觚棱日下墀

暖風花信到將離祖道東門又一時去踏梅雲山有色  
居塵塵土鬢初絲書生事業文章小

聖主恩光出處宜記得白家好詩句休官非早亦非遲

題田山薑先生潞河秋泛圖卷子爲馮鷺庭編修

作

通惠河水清如油止運官米無商舟偶然北客學南士  
買船放棹稱豪游我來攢眉逕欲去憶絕老屋湘江頭  
何居此圖繪秋泛竟以遊詠傳千秋當時田郎雅好事  
烏篷觴客羅尊卣寒驢得得負百丈雪氣泱泱浮神州  
酒酣奮筆落珠琲小長蘆叟尤風流此圖一百三十載  
此官名姓幾人在物力東南故自饒民生日用將無倍

天儲百萬祝豐盈我農秋稼償春畊長官到處如水平  
願官遊詠圖昇平嗚乎我今爲郡東南行卷圖還君顏  
媿生可能漕粟百萬安民情

奉酬李松雲同年

松雲守江甯將以卓異入會持服去官寓居蘇州

覲

相逢疑在太羅天慘綠當時最少年我畫葫蘆非舊樣  
君吟荷芰有新篇賓鴻耐冷如驕客老樹成花不膩煙  
爲問蘇臺好楊柳折腰能乞幾人憐

春烟春水莫愁湖秋雨秋風海嶠途文筆直爭千載事  
松雲出莫愁湖權歌及入閩新詩見示時妝肯埽十眉圖年前急雪凋殘

臘天上晨星戀故吾欲挂歸帆仍小住累君頻日出郊  
郭

松雲疊韻寄懷再賦奉酬

崢嶸歲暮正懷人忽墮雲華一朵新竹瘦也知多節目  
花開原不避風塵廿年往事驚流水百里扁舟遠浹旬  
自笑宿逋償未盡又增詩債窘閒身  
催科撫字兩皆難措大徬徨牧守官增俸新添方寸媿  
使民敢信一分寬多君最報三年績老我方無九轉丹  
只剩書生餘習在相期剪燭話金鑾

松雲招同吳竹橋儀曹泛舟石湖登上方山

料理湖山未了緣  
煙波同泛錦涇船  
亭臺冷落青松老  
試問山靈也惘然

橫塘十里碧粼粼  
不染歌絲舞麝塵  
今日風光太駘蕩  
故應不負謫仙人

茶磨晴嵐接上方  
平田刺水茁新秧  
籃輿喜聽輿人誦  
打麥村村餅餌香

樹石天然入畫圖  
吟情處處記詩逋  
可知桂管驂鸞後  
值得勾畱住此湖

筆牀茶竈木蘭舟酒力無多省勸酬底事吳儂歌最軟  
榜聲先傍女兒柔

莫愁湖上種楊枝唱遍金陵太守詩今日風流成二老  
招將明月判歸遲

燈火吳門十萬家銀河一道泛仙槎莫提三十年前事  
刺史年來鬢已華

題朱礪東

成

湖山草堂圖

春風小泊水雲亭相對高齋眼共青知我布帆遲訪戴  
先從畫本識圖經

可是盧鴻舊草堂。雲山烟樹渺蒼蒼。望中一葉收帆處。  
傲煞淩風百道檣。

湘江卜築白雲隈。角里編茅竹迳開。兩地湖山一家住。  
要君八斗費清才。

熊方伯謙山春江曉鏡圖

卅里江流滑笏平。溶溶長抱闔閭城。風波不作春如海。  
共信西江徹底清。

宿霧初收放棹遲。曉風披拂到吟髭。臨流不肯然犀照。  
爲惜魚龍尙睡時。

卷之四 詩集 卷之四  
把釣烟江記送秋寒潭落木點行舟輪他萬樹桃花外  
安穩東風自在流

天光波色湛虛明萬象昭回物自呈欲繼甘棠歌召伯  
何如水鏡號先生

方伯以嶺藩留署江蘇於吳人有風緣也

熊謙山方伯紅鷺香稻圖

先生家住紅鷺湖稻花千頃香於菰先生施政紫薇省  
吳田千里禾同穎可信焚香祝歲心能成化國春臺景  
先生掀髯笑不謗示我圖繪開韜繩長松落落滴翠黛  
水田活活圍秋塍嵐光樹色足瀟灑雨蓑風笠安雲仍

帝臺之漿古井澄醴渠曲折清如冰成功不惜出山濁  
九穀竟使三農登一從佩玉辭蘭茝風貌飄蕭青鬢改  
耕讀人矜帝謂褒官場老更鄉心在我生家世言神農  
乞食曾作田家傭養禾深苦稂莠雜掣肘時懼亞旅從  
持鋤南陌未終畝築廩北舍仍催春疲牛被策亦矯首  
若語心力難爲供近來作計殊大誤腳靴手版徒雍容  
一身耕作不自力豈能萬井安吳淞何如學農學圃回  
牛宮坐沐膏澤涵春風他年踏屐鷺湖上聽講休辭負  
耒翁

汪研香司馬稻香圖小照

柴門斜帶小橋橫時有松聲和水聲  
老眼不教紅紫誤稻花開處愛秋清

識字何嘗學老農腰鐮荷笠畝西東  
看雲獨立蒼茫下肯負山村穠澁風

山家穡事本艱難圖畫何緣乞長官  
願祝千村開碌碡朝朝炊玉勸加餐

平生不作稻粱謀至喜逢年祝有秋  
自種紅蘭三百本與君約略話滄洲

題胡雙湖太守琴鶴圖小照

胡前守蘇州  
今守常州

十年前說白蘇州老看蘭陵八月秋鶴瘦自矜奇翼健  
琴清操爲素心畱寥寥古調人誰賞落落雲霄世莫求  
我亦江南舊吟客蒼茫此意及君不

養鶴真如養士難不隨雞鶩乞餘餐鳴皋大有清音和  
得手宜將別調彈解慍虞絃君自遠退飛朱鷁我相安  
披圖細話年來事白上髭鬚試較看

陳提督

大聽雨圖時將有出塞之行

虛堂夜雨竹蕭森獨坐蒼茫孰賞音不是秋聲聽不得

此聲到處感秋心

耿弇年少冠通侯上將旌旗督八州小撚吟髭聽鼓角  
可知叔子信風流

一雨無端聚宿雲落花點點貼苔紋開簾坐待晴光報  
到底淩霄是此君

手栽萬箇碧簷簷聽雨聽風總不妨門外忽驚泥滑滑  
又教清夢落瀟湘

題查初白先生葆光居牡丹詩後

葆光居構自前明萬厯中侍御

祝芷塘前輩世居也其始祖於堂前手植牡丹甚盛今幾三百年室仍世守花復不減視平泉

草木不啻過之矣查初白於康熙甲午午過祝氏  
看花成五絕句閱十二年復遊又成五絕句  
塘袁集初白詩翰一幅併補書看花後詩裝  
潢成冊兩朝盛事亦可占祝氏之世德矣

花王闢國浙西天管領東風二百年老眼不隨春替換  
看花詩好共花傳

賞春我不恨來遲曾讀看花十首詩一事教人惆悵甚

藥珠樓閣夢參差初白詩有曲宴會陪侍內  
延藥珠樓閣隔春冥之句

茸城老守拙無倫兩樹花栽乞主人斟酌春光歸福地

莫教清苦到花神余得牡丹二本贈芷塘持歸  
謂予將以補葆光居之缺

鮑雪林爲錢數封作折枝桂杏圖所謂亭以雨名

誌喜也爰賦口號以代致語

攀桂天高路不賒  
小山幽處綸紅霞  
笑吟初白先生句  
杏是春風及第花

十二金墉麗紫宸  
春華秋實逐時新  
幾多報答東皇意  
爲問探花到手人

曾賦天香入廣寒  
春風十里又長安  
只今老眼催花信  
金帶圍開報牡丹

送屠鄴堂歸澧口號卽書其扇

買犢年來政未成  
虎頭還是舊書生  
憑君翦燭畱情話

尙要歸田學耦耕

滕王閣下畱三宿米老船中過一春

余於昨臘隨大府  
獻事江西今春二

月初九日始得  
同金陵郡署  
將有壽  
州之役

記得綠波江上路又從渡口送歸人

余時

爲李雲樵兵部題郭二如所畫山水扇

碧樹浮嵐翠蕩空幾番吹過棟花風  
閉門信有高山調  
何處知音到眼中

遠澗排雲瀉玉池溪橋聽雪待尋詩  
春江二月推篷處  
記否匡廬落手時

秋水閣詩集

卷六

七

楚王城畔草芊眠可有青山買值錢我自與君同作計  
頻教畫手供雲煙  
十載淹留爲愛山吳頭楚尾翠煙鬟此行攜得青山去  
人直先驕武庫班

題狄寶田照

不誦黃庭不問禪拈鬚微笑獨陶然滿腔生意畱元氣  
更乞春風六十年  
踏遍名山髮尙青心齋一室坐忘形秦淮大有南朝寺  
送到鐘聲客不聽

過江人物我能知，  
傾蓋猶嫌接席遲。  
門外風花高下路，  
垂簾君是獨醒時。

送汪丈曉堂

老鶴乘風出故關，  
飄然來看秣陵山。  
論心人海雲濤外，  
翦燭藤花竹雨間。  
劇喜先生猶玉貌，  
不堪太守已蒼顏。  
洞簫一曲分明在，  
好聽龍吟問大還。

丈善洞簫

錦裊紅髻憶兒時，  
問字簾前得我師。  
卅載雲烟眞過眼，  
七旬顏色勝餐芝。  
歸帆人與平江遠，  
來雁書將落月思。  
最是舊聞增感愧，  
當年清跡畏人知。

贈李廣文謝如卽送之海州

飛騰暮景漫高歌自惜流光冉冉過  
柏性堅知寒歷久萍蹤合喜老偏多  
書生燕領遲投筆諸將蠶叢有荷戈  
待埽欃槍洗兵馬共君碧落挽銀河

江潮暗上石頭城一葉蒲帆十里平  
秋澹又經人送別霜遲恰待月隨行  
暮年詞賦江關重早歲鶯花故國情  
欲倚扶桑酌春酒紅雲遙指海東生

君今春六十壽

戲題郭二如爲李書臺畫三友圖

君從庾嶺訪春回北郭先生又贈梅  
却笑昇州貧太守

看攜春去上金臺

書臺自閩來郡署時將大都

趙景伊

洛光

見訪金陵郡齋言歸甚促出扇索書賦

此送別

景伊黃州人乾隆丙申余掌教河東書院時景伊在院肄業

回首春風二十年  
并州相見愧華顛  
齋鹽未了書生習  
山水應畱翰墨緣  
東閣人材誰貢禹  
後堂絲竹有彭宣  
從今白雁橫空夜  
燕寢孤蓬共悄然

前聞鼙鼓夜傳烽  
近喜旌旗靖郢中  
投筆出看飛食肉  
挂帆歸且坐乘風  
夾江山色青相待  
入手清罇綠未空  
爲問雪堂舊英彥  
幾人問字說坡翁

題張鞠園太守揚子飽帆圖

春江淼淼淥無津  
得力蒲帆十幅新  
爲語使君閒著眼  
渡頭多少待舟人

泛宅浮家二十年  
烟波自繫釣魚船  
者番安穩東風緊  
好溯明河上碧天

南徐風景聚昭關  
我亦持橈日往還  
滾滾波濤來萬里  
中流畢竟有青山

開頭漫說挂帆遲  
好是乘風破浪時  
辛苦舵樓人把舵  
春江花月不曾知

題甘雨應祈圖爲費芸浦中丞作

政成三載得民和力可回天信不訛一片冰心清似水  
灑來處處是恩波

萬隴泉聲百道流綠陰樹底桔槔收花村雨足閒憑檻  
已有漁人放釣舟

奉國丹心浹

帝廷瓣香不仗一爐青闔閭門外薰風遠合築蘇公喜  
雨亭

繪得豳風七月圖溼雲潑墨尙模糊竹枝唱出江南好

也抵清歌一串珠

重來仍作八州督一雨真爲三日霖能使崇朝敷大澤  
可知四海望公心

吳雲帶雨到金陵千里農歌喜不勝老我衙官杜陵叟  
道逢泥飲美中丞

爲陳桂堂太守題所藏荔支石圖

石大盈五寸上  
覆一碧葉葉下

雙荔儼然其背刻寶晉齋三字又刻殿中之寶  
四字中空外綳無斧鑿痕吳山尊爲作此圖題  
者盈

雙荔何時結誰知石一拳采應珊樹網珍入米家船落

手烟雲聚垂林雨露偏披圖吾敬爾山骨獨凝然

又題核桃石圖

桂堂攜荔支石遊浙江觴於阮芸臺閣學所阮之尊人以核桃石遺之其中翳如其旁多孔不琢不雕自然賦形天工之巧誠爲太守聚所好也山尊圖且題之併以相屬太守名

廷慶雲間人

未是蟠桃種居然栗剖房不雕中瘦透作供氣清蒼雅  
贈詩人社廉宜太守裝成仙須煮石礪齒試求方

題人畊讀圖卷子

一經教子足成名况擁牙籤敵百城滿院梧桐流碧影  
愛君坐聽讀書聲

春蠶待熟女桑柔  
隔隴秧針綠潑油  
能順天時惜人力  
桃林一任臥畊牛

朝耘烟隴暮焚膏  
好在清時席縕袍  
試問綠楊城郭外  
荷鋤誰解讀離騷

我亦耕田識字人  
校書曾奉屬車塵  
披圖自笑平生計  
借讀何當共結鄰

題孫淵如觀察萬軸歸裝圖

玉皇案下舊詞臣  
繡斧東來一路春  
高臥莫耽書萬卷  
清時正用讀書人

濟水分流徹底清  
寫君心跡送君行  
牙籤細帙船船滿  
已過歸舟一石輕

遲君買宅更栽花  
水石松風共一家  
君屬余為買宅此  
小松石之勝此

是春明坊下路  
無人重問小栖霞  
袁簡齋先生住處

分老蘭臺作蠹魚  
一麾慚愧不中書  
苑園自晒無多冊

易駕江臯薄笨車

為方均堂觀察題靈澤夫人像  
像為立軸作二侍  
女一持宮扇一捧  
瓜藕而立夫人與  
昭烈帝對展手卷  
觀之卷圖  
三鼎寓三分鼎足  
意不知何據均堂  
過蠓磯謁  
祠以畫像歸自作  
二  
詩示余索題其上

獬兒逸氣蓋江東小妹居然唱大風不忍看人上降表  
孝廉何地說英雄

教戰吳宮賊膽寒

吳志稱孫堅爲孫武之後

繡旗惜未到長安卻憐

凜凜劉郎意脫劍還教展畫看

冰心玉貌漢皇嬪廟祀千秋尙有神爲問陳家修史筆  
如何傳紀失斯人

風雨靈旗自降升峨嵋雪水薦嘗烝江花堆滿玻璃冢  
也等苔痕上惠陵

盤滄來刺史屬題所作陸秀才懷荔圖

刺史闕宴秀才懷生

荔歸以遺其  
母因爲此圖

圖畫傳觀老眼明當年懷橘亦書生無多荔子無窮思  
莫待君王一勺羹

見說晶丸入手芬華筵輟贈重機雲歸來齒冷東方朔  
割肉惟知有細君

碧海銀濤萬里開方紅陳紫一時催鯨魚不動風帆穩  
可是炎州荔子來

刺史頻有災  
時海洋緝捕甚急

趨庭細數卅年前賜果頻嘗荔子鮮今日把圖搔白髮  
循陔羨爾正華年

十月陳雲濤中翰見過屬題所藏清溪草堂古桂

重英卷子

草堂爲中翰祖彥瑜先生所居庭植二桂一枯一榮其枯者旁抱新枝於

秋後作花心中抽臺上冠一花兩花相承若重臺然目存上人旣寫草堂復繪花以誌異先後詠歌其事者有傅玉笥王露徐激齋葆光徐陶璋陶芑楊文叔張南華鵬翀沈歸恩德潛繆武子曰芑楊文叔繩武李實君重華畢秋帆沅王夢樓文治諸先生雲濤之兄永齋先生乾隆己丑大魁天下

桂花蓋其兆也

玉蘂唐昌跡久陳何如金粟影長新一花是一看花客

記否前身更後身

讀畫沈吟七十年著花桂樹又蒼然春風不斷栽培力

直送天香到日邊

酬陳雲濤舍人

葑溪堂上見經年  
暢好相逢白雁天  
人少宦情心磊落  
老憎別緒語纏綿  
飛來鷁羽都宜嬾  
清到梅花不受憐  
莫問兒時官閣事  
重教枵觸卅年前  
秣陵山色繞江清  
吟入新詩意自平  
小戶敢隨人薄醉  
濟時真媿爾歸耕  
迴風百變騰雲海  
落木三秋壯石城  
聞道軍書勤贊畫  
挂帆試爲請長纓

題朱介齋岑鼎紀夢圖

人爲君夢夢移家君竟因人寫夢華省識此圖原息壤  
開門山色閉門花

忽漫相逢又五年書生琴韻米家船問君此夢將多少  
七十芙蓉落眼前

題章淮樹觀察雲山追憶圖

萬疊雲山遶寺田松楸十里隔飛泉白頭笠子扶藤去  
說到萊衣更愴然

宿草年年綠墓門春暉何處暗銷魂剩將宰木無窮憾  
吹遍西風落照痕

將母曾聞陟屺吟  
繡衣能惜北堂陰  
憐他負米長途客  
一樣三春寸草心  
畫得姑山丙舍圖  
不堪返哺有慈烏  
飄蕭白髮朱顏改  
能似兒時膝下無

題陶怡雲深柳讀書堂圖

幾曲青溪十笏廬  
漫勞門外駐巾車  
媚人不學三眠柳  
有福能消萬卷書  
隔岸波光迎月到  
山林詩韻得風徐  
平生窮達原安命  
只惜殘編老蠹魚

孫男方

坪小岩  
增棟川校字  
坪季平